

# Jamu selera sambil menderma

29 JAN 1988

## SMAIA harap dapat pungut \$15,000 bagi Rumah Silat

PERSATUAN Jurulatih Seni Mempertahankan Diri Singapura (SMAIA) berharap dapat memungut dana sebanyak \$15,000 bagi Rumah Silatnya menerusi penjualan tiket jamuan malam esok.

Wang yang diperolehi pada malam itu, menurut Pengerusi Jawatankuasa Penganjur, Encik K. S. Moorthy, akan digunakan bagi kerja-kerja mengubahsuai rumah tersebut dan membeli peralatan seni mem-

pertahankan diri untuk digunakan oleh anggotanya.

Di samping penjualan tiket, menurut beliau, mereka juga mengharapkan ihsan pengunjung pada malam esok untuk menderma.

Encik Moorthy, yang juga Setiausaha Agung SMAIA, berkata jumlah itu merupakan seperuh daripada \$30,000 yang diperlukan bagi kerja-kerja mengubahhelok dan membeli peralatan.

Beliau menambah, sejauh ini, lebih daripada 950 tiket berharga \$30 setiap satu telah dijual bagi majlis jamuan yang dianjurkan bersama oleh SMAIA, Persatuan Rakyat (PA) dan Persekutuan Silat Singapura (Persisi) itu.

Masih banyak lagi tiket yang belum terjual. Majlis dibuka kepada orang ramai.

Jamuan yang diadakan di kawasan SMAIA yang terletak bersebalahan dengan PA itu

akan dirasmi oleh Menteri Buruh dan Timbalan Pengerusi PA, Encik Lee Yock Suan.

Majlis itu akan turut dihadiri oleh beberapa orang Anggota Parlimen, termasuk Haji Sidek Saniff (Kolam Ayer) dan Encik Abdullah Tarmugi (Siglap).

Antara lain, acara malam esok ialah penyampaian sijil kepada para pemenang pingat dalam Sea Games ke-14 dan Kejuaraan Silat Sedunia Keempat di Kuala Lumpur tahun lalu.